

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 14 de outubro de 2019, da Dirección Xeral de Recursos Humanos, relativa á finalización da fase de oposición do proceso selectivo para o ingreso na categoría de celador/a, convocado mediante a Resolución do 1 de marzo de 2018.

A base oitava da Resolución do 1 de marzo de 2018, da Dirección Xeral de Recursos Humanos, pola que se convoca concurso-oposición para o ingreso na categoría de celador/a do Servizo Galego de Saúde, dispón que, tras a publicación das puntuacións provisionais dos exercicios, os/as aspirantes poderán presentar reclamación ante o tribunal no prazo de cinco días hábiles seguintes ao da dita publicación, unicamente de existiren erros na confección aritmética da puntuación obtida.

A estimación ou desestimación das reclamacións entenderase implícita na resolución pola cal se aproben as puntuacións definitivas dos distintos exercicios, que se publicará no *Diario Oficial de Galicia*.

Na mesma base dispónse que, finalizada na súa totalidade a fase de oposición, se publicará no *Diario Oficial de Galicia* o acordo de finalización desta fase do proceso.

Á vista das reclamacións presentadas polos/as aspirantes presentados/as pola quenda de discapacidade intelectual, e do acordo adoptado sobre estas polo tribunal de selección, e elevado ao órgano convocante, este centro directivo, de conformidade coa antedita base,

RESOLVE:

Primeiro. Aprobar e dar publicidade, a través da páxina web do Servizo Galego de Saúde (www.sergas.es), ás puntuacións definitivas obtidas polos/as aspirantes presentados/as ao segundo e terceiro exercicios que integran a fase de oposición do proceso selectivo para o ingreso na categoría de celador/a, pola quenda de discapacidade intelectual, convocado mediante a Resolución do 1 de marzo de 2018.

Segundo. Modificar a Resolución da Dirección Xeral de Recursos Humanos, do 19 de agosto de 2019 (DOG núm. 168, do 5 de setembro), pola que se fan públicas as puntuacións definitivas da fase de oposición do proceso selectivo para o ingreso na categoría de celador/a, nas quendas de acceso libre, promoción interna e discapacidade xeral, logo da



estimación do recurso administrativo interposto contra a citada resolución pola aspirante M^a del Carmen Parajes Candal, que pasa a obter a puntuación de 0,500 no exercicio da parte común.

Terceiro. Declarar finalizada a fase de oposición do proceso selectivo para o acceso a esta categoría.

Cuarto. Esta resolución poderá ser impugnada polos/as interesados/as nos termos previstos na base 7 e 11 da resolución de convocatoria do proceso.

Santiago de Compostela, 14 de outubro de 2019

Margarita Prado Vaamonde
Directora xeral de Recursos Humanos

